

belle & plaisante ville de Danager, il n'y a que luy seul qui soit de la secte des Parliens en toutes les Indes. L'autre est Idalcā, lequel se tient en la ville de Visapora, ayant pour ses voisins les Royaumes de Cambaia, & Orixā. La ville capitale est Bider, apres la ville de Decan, dont le Royaume a prins nom. Sept miles de ceste ville y a vne montaigne toute environnée de murs, & gardée par vne forte garnison, de laquelle se tirent les diamants. Les habitans sont ordinairement habillez de soye. Il y a encorés quelques villes en ce Royaume outre les susmentionnées, comme Sintacora, Caul & Goa au riuage de la mer, desquelles les deux dernieres ont esté forcées par les Portugais. Quand à Goa c'est à la verité vne place illustre & bien renommée, & la plus marchande des Indes, elle est située en vne Isle, dans la riuere Mandoua, laquelle cōtient bien 15. lieues en son circuit. Elle est fort peuplée à cause de la fertilité du pays, & enrichie de belles maisons, ayant aussi vn bon & commode haute. Icy se tiēt l'Archeuesque de toutes les Indes, sous lequel sōt les autres Euesques de ceste Cōtrée. C'est aussi la demeure du Viceroy des Indes lequel y a vne armée avec laquelle il garde & maintient sous la domination toute la mer des Indes; car ce pays est fort tourmenté des Venazari, qui sont certains peuples qui ne viennent que de pillerie & butin. Les marchands de Perse & d'Arabie amènent icy grand nombre de cheuaux, tellement que Goa est comme l'Estage de toutes les denrées & marchandises des Indes.

*Archeue-
ché des
Indes.*

CAMBAIA.



PROVINCE de Cābaia est aussi appelée Guisarat, & cōtient en sa lōgueur le long de la mer cinq cens lieues, depuis la riuere Bate, laquelle passe pres de la ville de Canhum, & se va rendre en la mer, iusques au pays de Circa en Perse, de l'autre costé elle touche les Royaumes de Dulcinda & Mādoa, tellement que ce Royaume a vers l'Orient le pays de Mandoa. À l'Occident les Nantaques ou Gedi oséos, au Nort les Royaumes de Sange & Dulciude, & au Midy l'Océan, & les frontieres du Royaume de Decan. Le Royaume de Cambaia est grand, il y a force villes & villages bien peuplés, beaucoup de riuieres, desquelles la principale est Indus, lequel traue le tout le pays, & prend son origine de la montaigne Caucasus, à présent appelée Naugroco, & apres auoir fait neuf cens lieues de chemin se detgorge en l'Océan par deux embouchures, esquelles il y a force nauires. Le pays produit grande abondance de bled, de ris, de sucre, encens, & toutes sortes de fructs & espiceries, & en outre, si grande quantité de soye & de coton, qu'on en peut charger quarante ou cinquante nauires, qui le transportent de la Asie. Il y a beaucoup de cheuaux & d'elephans. On y trouue la pierre d'Orix communément appelée Corne colle, l'Aymant, la Calc edoyne, &c. Le Roy de ce Royaume estoit par cy deuant Payen, mais maintenant il est devenu Mahometan. Les habitans sont encorés à demy Mahometans, & en partie Payens, fort superstitieux, & grands marchands: mais ils ne sont point guerriers, de sorte que le Roy se sert de soldats estrangers s'ils sont de couleur brunnastre, vont nuds ayant seulement les parties honteuses couuertes, ne mangent point de chair, mais du ris, de l'orge & autres choses manimées. Au dedans

*Montaigne
de Caucasus*